

INSTITUT ZA ZDRAVLJE I SIGURNOST HRANE ZENICA
ul. fra Ivana Jukića br. 2., Zenica
Broj: 02-izg/25
Zenica, 17.11.2025.godine

Na osnovu člana 69. stav 2. tačka d), člana 70. stav 1, 4. i 6. Zakona o javnim nabavkama („Sl. glasnik BiH“, broj: 39/14, 59/22 i 50/24), direktor Instituta za zdravlje i sigurnost hrane Zenica, donosi

ODLUKU o poništenju postupka javne nabavke

Član 1.

Poništava se postupak javne nabavke roba – Nabavka laboratorijske opreme - **LOT 3 – Autoklav** u skladu sa članom 69. stav 2. tačka d), odnosno iz razloga što nijedna od primljenih ponuda nije prihvatljiva.

Član 2.

Ova odluka objavit će se na web-stranici ugovornog organa (www.inz.ba), u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-3962/25 od 17.10.2025.godine. Postupak nabavke je proveden otvorenim postupkom za koji je objavljeno obavještenje o nabavci na Portalu javnih nabavki broj: 7126-1-1-255-3-121/25 dana 17.10.2025. godine. Postupak nabavke provela je Komisija za javne nabavke imenovana Rješenjem broj: 02-3963/25 od 17.10.2025. godine.

Do predviđenog vremena za dostavu ponuda zaprimljene su ponude ponuđača D.o.o. „EURO LAB“ Bijeljina, APICAL d.o.o. Sarajevo i ELTA 90 MB d.o.o. Sarajevo.

Nakon ocjene predmetnih ponuda, Komisija je utvrdila da ponuđač D.o.o. „EURO LAB“ Bijeljina za LOT 3- Autoklav dostavio ponudu koja je ocjenjena kao neprihvatljiva. Budući da je dostavio katalog/brošuru proizvođača ponuđene opreme sa detaljnim opisom tehničkih karakteristika, ali Komisija je utvrdila da ponuda ne ispunjava u cijelosti tehničku specifikaciju, jer nisu dokazane sljedeće stavke:

- Traženi iskoristivi volumen komore (80–90 L) nije dokazan;
- Tražena fleksibilna referentna sonda za tekućinu nije dokazana;
- Traženo filtriranje ispuštenog zraka / isparivač niske količine vode nije dokazano.

S obzirom na navedeno, ponuđač D.o.o. „EURO LAB“ Bijeljina nije dostavio tražene dokaze u skladu sa zahtjevima tenderske dokumentacije, zbog čega je ponuda ocijenjena kao neprihvatljiva.

Također komisija je utvrdila da ponuđač APICAL d.o.o. Sarajevo dostavio ponudu koja je ocjenjena kao nepravilna. Budući da je dostavio dokument o usklađenosti sa evropskim direktivama, dokaz o ovlaštenju za zastupanje i servisiranje na području Bosne i Hercegovine, te katalog/brošuru proizvođača ponuđene opreme sa tehničkim opisom, prevedeno uz potvrdu

sudskog tumača, ali bez originalne dokumentacije sa koje je prevod izvršen, zbog čega nije bilo moguće utvrditi vjerodostojnost prevoda. Imajući u vidu navedeno, ponuđač nije dostavio tražene dokaze u skladu sa zahtjevima tačke D-11 tenderske dokumentacije, kojom je propisano da se ponuda dostavlja na jednom od službenih jezika Bosne i Hercegovine, na latiničnom ili ćiriličnom pismu, te da se za dokumentaciju na drugom jeziku obavezno prilaže prevod ovlaštenog sudskog tumača zajedno sa originalom dokumenta

Komisija je također utvrdila da ponuđač ELTA 90 MB d.o.o. Sarajevo dostavio ponudu koja je ocijenjena kao nepravilna, jer su dokazi o ispunjavanju kvalifikacionih uslova iz tačaka 4.2 a), c) i e) tenderske dokumentacije dostavljeni na stranom jeziku, bez prevoda ovlaštenog sudskog tumača.

Navedeno nije u skladu sa tačkom D-11 tenderske dokumentacije, kojom je propisano da se ponuda dostavlja na jednom od službenih jezika Bosne i Hercegovine, te da se za dokumentaciju na stranom jeziku obavezno prilaže prevod ovlaštenog sudskog tumača.

Cijeneći odredbu člana 69. stav 2. tačka d) Zakona o javnim nabavkama Ugovorni organ je obavezan poništiti postupak javne nabavke u slučaju da nijedna od primljenih ponuda nije prihvatljiva. Kako je utvrđeno da nema dostavljenih prihvatljivih ponuda u naznačenom lotu, odlučeno je kao u dispozitivu.

POUKA O PRAVNOM LIJEKU

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti:

1x D.o.o. "EURO LAB" Bijeljina
1x APICAL d.o.o. Sarajevo
1x ELTA 90 MB d.o.o. Sarajevo
1x www.inz.ba
1x arhiva



DIREKTOR

Dr.sci. Muamer Mandra, DVM

19/9